



Uunga Inatsisartunut ilaasortaq
Jens NapātôK'
Naleraq

07-01-2026
Sags nr. 2025 - 26039
Akt. id. 26045119

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§37 naapertorlugu apeqquut nr. 211 – 2025, nuttarnersitsinissamut aningaasalissutit ukiuni 2008 – 2025 atornegarsimaneranut tunngatillugu apeqquteqaammut akissut.

Asasara Jens NapātôK'.

Inatsisartut suleriaasianni § 37, imm. 1 naapertorlugu Kalaallit Nunaanni suliffissarsiortut qassit ukiuni 2008 – imiit ukioq 2025 ilanngullugu nuttarnersitsiniarluni aningaasaateqarfimmiit tapernegarsimanersut Naalakkersuisunut apeqqutinik nassiussivutit.

Nuttarnersitsiniarluni tapiissutit pillugit Namminersornerullutik Oqartussat nalunaarutaat nr. 24, 25. August 2008 – imeersoq aammalu Nuttarnersitsinissamut ikiorsiissutit atornegarnerulernissaat pillugit Suliffeqarnermi innersuussisarneq il.il.pillugit Inatsisartut inatsisaat aallannguuteqartinneqarnera pillugu Inatsisartut inatsisaat nr. 32, 9. December 2015 - imeersoq malillugit innuttaasunut nuunnittarnerunissaanut qinnuteqarnissamut periarfissaq eqqunneqarnikuuvoq. Namminersornerullutik Oqartussat nalunaarutaat, 15. September 2008 atuutileraluartoq, ukioq 2009 aallarnerfigalugu aatsaat nunatsinni nuttarnersitsiniarluni tapiissutit kommuninit atornegalersut ilisimatitsissutigissavarput. Kisitsisillu 2009 allartiffigalugu paasissutissat pigineqartut matumuuna akissuteqaammi takuneqarsinnaapput.

Qujanaq apeqqutinut nassiussarnut, apeqqutillu tulleriiaaneri malillugit ima akissuteqassuugut.

1. Innuttaasut qassit piffissami 2008-mit 2025/2026-mut Majoriaq imaluunniit kommunit suliffeqarnermut suliniutaat aqqutigalugu nuuttarnermut aningaasaliissutissanik tapinik (mobilitetstilskud) tunineqarpat?

Nuttarnerulernissamut tapiissutinik qinnuteqarsinnaaneq 2009-miit aallartipput. Ukioq 2009-miit 2025 ilanngullugu qinnuteqarsimasut kisitsisai ataani takuneqarsinnaapput.

Ukioq:	Qassit:
2009	25
2010	45



2011	52
2012	65
2013	109
2014	90
2015	93
2016	176
2017	108
2018	95
2019	116
2020	44
2021	17
2022	18
2023	8
2024	8
2025	2
Katillugit:	1.071

Kisitsisit paasissutissat toqqortaatineqartut malillugit ukiumiit ukiumut nuttarnersitsiniarluni aningaasaateqarfimmik innuttaasut katillugit 1.071-it tapiissutinik pissarsinissaminut akuerisaasimasut qassiunersut takuneqarsinnaapput.

2. Innuttaasut taakkuani qassit ukiuni pineqartuni kommuninit illoqarfinniillu/nunaqarfinnillu nuunnikuuppat? Kisitsisit kommunikkaarlugit, illoqarfikkaarlugit imalt nunaqarfikkaarlugit nalunaarsorsimanissaat kissaatigineqarpoq.

Ukioq 2014 aallarnerfigallugu nuttarnersitsiniarluni tapiissutit atorluarneqarnerunissaat anguniarlugu Naalakkersuisoqarfiup aammalu inuussutissarsiortut kissaateqarnerat malillugu, nuttarnersitsinissamut aningaasaliissutit, piffissap ilaannaa suliaortortunut aamma tapiissutigineqartalissasut aaliagiussipput.

Ukioq 2009 – iminngaanniit katillugit innuttaasut 1.071 nuunnerminnut imaluunniit piffissami killilimmik suliaortornerminnut atatillugu nuttarnersitsiniarluni aningaasaateqarfimmiit taperneqarnikuupput.

Aaliangersimasumik nuunnikut kisitsisaat tamakkiisut qassiunersut ajorluartumik kisitsisaatineqanngillat, ukiuni 2016, 2018 aammalu 2019 paasissutissat aaliangersimasumik nuuttunut aammalu piffissap ilaannaa suliaortortunut nalunaarusiarineqanngitsoorsimammata. Ukiunili pineqartuni ukiumut qassit akuerisaasimanersut takuneqarsinnaapput.

Ukioq 2013 – 2014 aammalu 2015, Naalakkersuisoqarfik aammalu Royal Greenland suleqatigiinnermikkut, illoqarfiit pingasut, tassalu Uummannaq, Qasigiannguit aammalu Paamiut, tunisassiorfeqarnikkut inerisarneqarmata, Kalaallit Nunaanni innuttaasut illoqarfinnut pineqartunut aaliangersimasumik suliffeqarlutik nuuffiginissaat suliniutiginiuuat. Illoqarfinni pineqartuni sulisunut inissaqartitsineq aammalu Royal Greenland-ip illusiortorneratigut kingunilimmik innuttaasut ineqarnikkut pitsaasumik atugaqarnissaat sulissutigereeraallu, nuttartitsineq illoqarfinnut pingasunut pisimavoq. Tassanilu nuttarnersitsinissamut aningaasaateqarfimmiit innuttaasut nuunnerinut atatillugu atorluaasoqarnikuulluni.



Nuttarnerulersitsinissamut aningaasaateqarfimmit taperneqarnikut, killilimmik aaliangersimasumillu nuunnerit kisitsisaata takussutissartai aajukua:

Ukioq:	Killilimmik:	Aaliangersimasumik:	Qassit:
2009	0	25	25
2010	0	45	45
2011	0	52	52
2012	0	65	65
2013	0	109	109
2014	0	90	90
2015	0	93	93
2016	*	*	176
2017	8	100	108
2018	*	*	95
2019	*	*	116
2020	43	1	44
2021	16	1	17
2022	16	2	18
2023	6	2	8
2024	4	4	8
2025	2	0	2
Katillugit	95	589	1.071

3. Innuttaasut taakkuani qassit ukiuni pineqartuni kommuninit illoqarfinniillu/nunaqarfinniillu nuunnikuuppat? Kisitsisit kommunikkaarlugit, illoqarfikkaarlugit imalt nunaqarfikkaarlugit nalunaarsorsimanissaat kissaatigineqarpoq.

Kisitsisit akissut 2-mi takuneqarsinnaasut malillugit, kommuunit akunneranni nuttarsimaneq 2014-imiit 2019 ilanngullugu Naalakkersuisut suliffeqarneq pillugu nalunaarusiatigut nassuiaasorsorneqartarsimavoq. Ukiunilu pineqartuni paasissutissat pigineqartut malillugit kommunit akunneranni nuttarneq aaliangersimasumik nuuttunut tunngasut, malillugit ataani nalunaarutigineqarput:

Ukioq 2014:

	Qimallugu:	Nuuffigalugu:	Kommunip iluani nuunneq:
Qaasuitsup Kommunia	4	5	3
Qeqqata Kommunia	4	2	1
Kommuneqarfik Sermersooq	4	10	3
Kommune Kujalleq	5	0	0
Katillugit	17	17	

Ukioq 2015:

	Qimallugu:	Nuuffigalugu:	Kommunip iluani nuunneq:
Qaasuitsup Kommunia	19	26	18



Qeqqata Kommunia	9	9	0
Kommuneqarfik Sermersooq	17	17	4
Kommune Kujalleq	19	12	7
Katillugit	64	64	

Ukioq 2016 nalunaarusiarineqarsimanngilaq.

Ukioq 2017:

	Qimallugu:	Nuuffigalugu:	Kommunip iluani nuunneq:
Qaasuitsup Kommunia	36	24	11
Qeqqata Kommunia	0	22	11
Kommuneqarfik Sermersooq	10	10	16
Kommune Kujalleq	16	6	8
Katillugit	62	62	

Ukioq 2018:

	Qimallugu:	Nuuffigalugu:	Kommunip iluani nuunneq:
Avannaata Kommunia	29	17	4
Kommune Qeqertalik	9	10	5
Qeqqata Kommunia	10	25	4
Kommuneqarfik Sermersooq	13	4	4
Kommune Kujalleq	9	14	8
Katillugit	70	70	

Ukioq 2019:

	Qimallugu:	Nuuffigalugu:	Kommunip iluani nuunneq:
Avannaata Kommunia	3	7	0
Kommune Qeqertalik	17	5	0
Qeqqata Kommunia	8	12	3
Kommuneqarfik Sermersooq	6	5	4
Kommune Kujalleq	6	9	5
Katillugit	40	38	

Illoqarfit imaluunniit nunaqarfiit akornanni nuttarnerit nalunaarsorneqartarsimanngillat, taamaallaat kommunit akunneranni nikerarnerit takussutissiarineqarsimallutik.

4. Ukiuni aalajangersimasuni kisitsisit amigaateqarpata, Naalakkersuisut nassuiaassinnaappat sooq taamaannersoq – aamma ukiut sorliit kisitsisit amigaataassanersut?

2009-miilli Namminersornerullutik Oqartussat suliassanik allagaatinillu aqutsinermut qarasaasiatigut atortunik arlalinnik atuisimapput, tamannalu ukiuni aalajangersimasuni qinnutigineqartut paasissutissat pissarsiarineqarnissaat ajornakusoortissimavaa. Tamatuma saniatigut, Naalakkersuisut suliffeqarneq pillugu



nassuiaataanni piffissap ingerlanerani nuttarnersitsinissamut ikiorsiissutit pillugit paasissutissanik suliaqarneq assigiinngissuteqartarsimavoq. Taamaattumik 2009-miit 2013 ilanngullugu kommunit akornanni nuunnermut periutsit pillugit paasissutissat immikkoortiterneqarsimanngillat.

5. Nuttarnermut aningaasaliissutissanik tapinik aningaasaliisarneq, pingaarnersiuneq allaffissornerlu pillugit allannguutit pilersaarutillu suut ingerlappat?

Nuttarnersitsinissamut tapiissuteqarsinnaaneq, kalaallit nunaanni suliffissaaleqisut qaffasinnerpaaffiata nalaani pilersinneqarnikuuvoq, innuttaasut suliffeqanngitsut sumiiffinnut allanut sulisussaaleqiffiusunut suliffittaarlutik suliaortarsinnaanerat periarfissinniarlugu.

Kikkulluunniit sulinermik inuussutissarsiteqartut, nalinginnaasumik sulisitsisunit nuunnissaminnut akiliinneqarneq ajortut, najugaqarfigisartillu qimallugu allami suliffissarsisinnaasut – sumiiffimmilu nuuffigisassaminni inissaqartinneqartut, nuttarnermut aningaasaliissutinit nuunnissaminnut tapiiffigineqaqqullutik qinnuteqarsinnaapput.

Nuttarnersitsinissamut aningaasaliissutitut qinnuteqarnermi piumasaqaataavoq innuttaasoq suliffeqanngitsutut nalunaarsorsimassasoq aammalu illoqarfik imaluunniit nunaqarfik nuuffiginiagaq naleqquttumik suliffissaaleqisumik innersuussassaqaanngitsaq, taamaalilluni innuttaasoq nuttarnersitsinissamut qinnuteqartoq taperneqarsinnaalluni.

Aalisakkanik tunisassioffiit illoqarfinni aaliagersimasuni tunisassioernermit allanngortitserineranni nuttarsinnaanermut aningaasaliissutit annertuumik atorluarneqarnikuupput. Ilaatigullu kalaallit nunaanni innuttaasut eqaannerusumik illoqarfinnut imaluunniit nunaqarfinnut allanut suliaortarnissamut periarfissat amerliniarlugit nuttarsinnaanermut aningaasaliissutit atorluarneqarnikuullutik.

Ukiuni kingullerni, minnerunngitsumik Covid-19 kingorna innuutaassut nuttarnersitsinissamut aningaasateqarfinnut qinnuteqartartut appariartuinnarnikuupput. Innuttaasunut periarfissaq tunniinneqarnikuusoq sooq appariartuinnarsimanersoq pillugu nassuiaammik ersarissumik Naalakkersuisut pissarsinikuunngillat.

Nunatta avataaniit suliaortut tunisassioffinni ataasiakkaani atorfinitsitaasimanerat pissutigalugu, aasaanerani killilimmik suliaortartut inigiisimasut Majoriaqarfinniit marlussunniit oqaatigineqarnikuuvoq. Ukioq 2024 aammalu ukioq 2025, assersuutigalugu tunumiit innuttaasut tallimanik arfinilinnik amerlassuseqartut avannaani nunaqarfiit ilaanni suliaortarsimangaluartut, qinnuteqassaarnikuupput, sumiiffimmi aasaanerani nunatta avataaniit suliaortutitut sulisoqalersimaneqarissutigalugu.

Naalakkersuisut nassuiaatigineqartut tunngavigalugit 2026-mut Aningaasanut Inatsimmi tapiissutitut aningaasaliissutit naleqqussarsimavaat, naatsorsuusiortifiusuni ukiuni tulluuttuni 500.000 kr.-inik ikilisarlugit.

Inussiarnersumik inuulluaqqusillunga

Aqqaq B. Egede